

## **NIGITIWATAALE LIWAKATE PEDRO**

Naḡadi niwakate niḡicota mitiwataale liwakate Pedro me didikotibige niḡijo loiigi Cristo ani-laagitibece. Pedro yalaḡata Aneotedoḡoji me ligegi micota me najigotedoḡowa niḡicoa ane daḡaxa mele anigida noko, codaa najigotedoḡowa ḡodoniciwaga me jaoga niḡica ane yemaa mele mejinaga. Aaḡaga yalaḡata lotaga Aneotedoḡoji mida loniciwaga. Niḡidiaaḡidi jaḡaga yalaḡata micota minoa niḡaxinaganadi awitakaḡaga anodiḡaxinagatece ane deḡewi. Niḡijo jotigide Aneotedoḡoji naga iwi anigotediogi codaa me iloikatidi niḡijo oko ane abeyacaḡaga, odao icota magaga iloikatidi niḡicoa niḡaxinaganadi awitakaḡaga. Niḡidiaaḡidi Pedro jaḡaga yalaḡata anodaagee niḡica noko Aneotedoḡoji nige iwi anigotediogi niḡina oko, codaa anodaaḡigote me yaaḡadi niḡina iigo, leegodi libeyaceḡeco oko. Ele me nalaḡatibigoḡoji Aneotedoḡoji micota me yaaḡadi niḡinoa aninoa me jinataḡa, odao leeditibige me idineḡenaḡataḡa me ḡodewiḡa.

*Pedro yecoeditibige niḡina anonakato  
Goniotagodi*

<sup>1</sup> Ee, Simão Pedro, ee liotagi Jesus Cristo, codaa ee liḡexegi. Jiditibigaḡajitiwaji naḡadi iwakate notaganagaḡi, akaamitawece aneote Aneotedoḡoji manakatoni, anaḡaga igotedoḡowa. Gotiwagatakanegegi daḡaxa me diniwaloe, codaa Aneotedoḡoji yakadi me najigotedoḡowa

okotawece nigida gotiwagatakanegegi leegodi Aneotedogoji iniaa Gonewikatitogodi Jesus Cristo me igenagatibigiwaji. <sup>2</sup> Jemaa Aneotedogoji mepaanaga eletedagadomitiwaji, codaa meote gadaalegenali mele, leegodi mowoogotitetiwaji Aneotedogoji iniaa Goniotagodi Jesus.

*Aneotedogoji eniditedogowa, codaa godiolatedice eotedibige godewiga meo nigica ane yemaa mejinaga*

<sup>3</sup> Aneotedogoji ibake loniciwaga me najigotedogowa inoatawece ane jopoogatibige mele me godewigatema digo mijoataga mele, leegodi me jowoogotaga. Aneotedogoji eniditedogowa mida anejinagatege leegodi ikee anodaageeteda me dagaxa mele, codaa midioka limedi meote aneletogodomi. <sup>4</sup> Joanigidaa leegodi Aneotedogoji meote nigijo ane ligegitedogowa, oadaa nigijo ligegi dagaxa me diniwaloe, codaa dagaxa mida ane jaoga. Eote nigida ligegitedogowa me godaxawa me godewiga digo mijoataga, codaa eote me godiwoko loniciwaga nibeyacegeco ane yaagadi nigina oko anida aneetege nigina iigo leegodi owo niginoa epaa lidaagataka lolaadi ane beyagi.

<sup>5</sup> Enice jiniginoka adinoniciwagatitiwaji me iwaagati Goniotagodi, pida ele magagakaami nigina oko anidioka limedi meo anele. Pida jiniginoka adinoniciwagatitiwaji mawii anele, pida ele magaga idioka limedi moleetibige mowoogoti nigica Aneotedogoji ane yemaa. <sup>6</sup> Codaa jiniginoka adinoniciwagatitiwaji mowoogoti nigica ane yemaa Aneotedogoji,

pida ele magaga adinajacagatitema niginoa lidagataka godolaadi. Codaa jiniginoka adinoniciwagatitiwaji majacagati gadolaadi, pida ele magaga adinatiitalo niginoa gadawikodico odaa ageyamagatice gatiwagatakanegegi. Codaa jiniginoka adinoniciwagatitiwaji madinatiitalo gadawikodico, pida ele magaga awii nigica aneo Aneotedogoji me ninitedibece. <sup>7</sup> Codaa jiniginoka adinoniciwagatitiwaji mawii nigica aneo Aneotedogoji me ninitedibece, pida ele magagemaani nigina ganioxoadipi. Codaa jiniginoka adinoniciwagatitiwaji memaani nigina ganioxoadipi, pida ele magaga emaani inatawece oko anodaageeteda Aneotedogoji me yemaa. <sup>8</sup> Nigidioka limedi mawii niginoa anejitedagawa, odaa agakaamitiwaji nigina oko abacigaga, otegexaagaga akaami nigina oko aneo libakedi ane digica jaoga, nigina mabaatema Goniotagodi. Pida gabakedi ida ane jaoga leegodi mowoogotitewaji Goniotagodi Jesus Cristo. <sup>9</sup> Pida nigina oko ane daga dinoniciwagadi midagaae lewiga, nigini oko liciagi nigina oko ane daga leegitece me doletibece. Yaagidi Aneotedogoji naga napitagadi libeyacegeco nigijo jotigide.

<sup>10</sup> Enice nigina бага adinoniciwagati gadakataga moikey Aneotedogoji me gadiolaatedice, codaa meniditedagawa mida anenitege. Nigadoniciwagati, odaa nigida makaamitiwaji agaleeageyamagatice gatiwagatakanegegi. <sup>11</sup> Codaa nigadinoniciwagatitiwaji, odaa Aneotedogoji ele me dibatedagagitiwaji midioka limedi

midiaagonitice minitaga ninioxadi, anei midioka limedi me diigenataka Goniotagodi Jesus Cristo, ane Gonewikatitogodi.

<sup>12</sup> Joaniḡidaa leegodi me joletibige midioka limedi me jao manalakitibige anodaage ni me leeditibige me ḡadewiki, icaḡica nigowoḡotitiwaji, codaa nigatitetelogo niḡjoa niigenatakanegeco anewi aneetece ḡotiwagatakanegegi. <sup>13</sup> Ee yowoogo, malee idewiḡa me ḡadoniciwagatitiwaji manalakitibige anodaagee me leeditibige me ḡadewiki. <sup>14</sup> Igaataga jowoḡodi me daḡadiaa leegi, oada ja ideleo, micataga daḡa jilatí, inenyagaditi yolaadi, iciagi niḡina oko ane alatí, oada nenyagaditi nibalaacogo. Igaataga jiḡidaa Goniotagodi Jesus Cristo ane nikeetediwa. <sup>15</sup> Oada idinoniciwagadi me jao midioka limedi manalakitibigetiwaji ane leeditibige midioka limedi me eni me ḡadewiki, nige ideleo.

*Niḡjo oko anonadi notoetiigi Jesus ijaḡijo anoditece lowooko Aneotedoḡoji*

<sup>16</sup> Ajiwitakaga niḡina me jatem-atiḡatagawatiwaji anodaagee Goniotagodi Jesus Cristo meliodi notoetiigi niḡijo negenagi. Igaataga okomogoko jinataga niḡijo Aneotedoḡoji naḡa nelecaḡatee. <sup>17</sup> Idejonagatice manitaga wetiḡa Aneotedoḡoji naḡa iweniḡide Jesus. Oada Aneotedoḡoji ane Eliodi Jesus jeḡeote meliodi me datale Jesus. Oada Aneotedoḡoji ane datale, anida nimawenegegi caticedi inoatawece, mee, “Niḡidoa Ionigi daḡaxa me jema. Codaa eote me daḡaxa me idinitibece.”

18 Okomogoko jajipaaɣatalo niɣijoa Aneotedogoji lotaɣa ane icoɣotibigimece ditibigimedi, niɣijo midiaaɣejonagatice nebi Goniotagodi manitaɣa wetiɣa, Aneotedogoji ane iomaɣaditedice.

19 Jeɣepaanaga jowoogotaga lotaɣa niɣijo anoyatematitedibece Aneotedogoji lowooko niɣijo jotigide, niɣijoa latematiko ewi. Odaa ele matacolitece niɣijoa latematiko. Igaataga latematiko liciagi naɣana lokokena ane datale miditaɣa nexocaga digoina iigo nigepaa yeloɣotibige. Odaa datale catiwedi ɣadaalegena nigepaa niɣica noko Aneotedogoji ane nibikota Cristo nige dopitedijo. Odaa niɣica noko liciagi niɣina naga nodi yotedi-eloodo niɣidatege nigoi.

20 Pida daɣaxa mele mowoogotitiwaji me diɣica ane yakadi me ibake niɣica epaa lixakedi me yowoogodi lotaɣa niɣijo anoyeloɣoditedibece Aneotedogoji lowooko.

21 Igaataga niɣijo anoyeloɣoditedibece Aneotedogoji lowooko aɣoyeloɣoditedibece niɣicoa epaa lowooko, oteɣexaaɣa oibake niɣicoa anepaa lixaketedi. Pida niɣijo moyatematitedibece latematiko, Liwigo Aneotedogoji yajacaɣadi lowooko, codaa ikeetiogi ane yemaa me ligegi Aneotedogoji.

## 2

*Niɣaxinaganadi anodiɣaxinaɣatece ane degewi  
(Judas 3-16)*

1 Niɣijo jotigide ijo oko awitakaɣa anodi moyeloɣoditedibece lowooko Aneotedogoji. Niɣijoa awitakaɣaɣa icotiogi liwigotigi loiigi Israel. Odaa idaagee

jagaga ototicogi gadiwigotigitiwaji oko awitakaga anodi mewi modiiḡaxinagatece ḡotiwagatakanegegi. Odiḡaxinagatece niḡaxinaganegeco ane degewiteda owotibige moibeyacaḡadi ḡatiwagatakanegegitiwaji. Niḡijoa liḡaxinaganegeco doide. Pida niḡina oko aḡoyowoḡodi niḡijoa liḡaxinaganegeco me lakapetedi Aneotedoḡoji lotaḡa. Codaa niḡijoa awitakagaḡa modi Jesus me daḡa Goniotagoditeda ane nadooḡodi lawodi meote me ḡodilagatege Aneotedoḡoji. Joaniḡidaa leeḡodi Aneotedoḡoji nige yaaḡadi niḡina me doḡoditigi. <sup>2</sup> Eliodi oko odioteci niḡijoa liḡaxinaganegeco, odaa owo niḡinoa ane beyagi ḡodolaadi ane yemaa. Odaa leeḡodi mowo niḡinoa ane beyagi, odaa eliodi oko beyagi modotaḡatibige ḡotiwagatakanegegi anewi. <sup>3</sup> Odaa leeḡodi me oceḡagaḡa niḡijo niḡaxinaganadi awitakaga, odaa odinigaanyetece ḡaninyeelotiwaji, codaa etiḡadinaaleni mowotibige me iwagaḡatitiwaji niḡinoa ane degewi. Pida ja jotigide Aneotedoḡoji me iwitediogi, odaa ja igo me iloikatidi, codaa me yaaḡadi niḡijoa awitakagaḡa.

<sup>4</sup> Igaataḡa niḡijo jotigide Aneotedoḡoji aika moiwoko niḡijoa aanjotedi anowo ane beyagi, pida iloikatidi. Yokoletediogi manitaḡa niwilogoḡaḡaxi niḡica natinedi aneitece monibeotege niḡica anodigotiogi. Odaa ja niwilotediniwace, odaa diḡenatakatediogi monigoetiniwace oyatitiogi galeenatedi miditaḡa nexocaḡa monibeotege niḡica noko nige iwi anigotediogi iditawece oko odaa iloikatidi leeḡodi loenataka ane beyagi. <sup>5</sup> Codaa Aneotedoḡoji

aiwoko niŕijo oko abeyacaŕaŕa ane ligeladi digoina iŕo maleediŕicota niŕijo abooŕo-ninyoŕodi. Pida ja niŕe abooŕo-ninyoŕodi me yaaŕadi inatawece oko leeŕodi me nakapetegi. Pida Noé yatematitiogi ijotawece niŕijo noiigi Aneotedoŕoji me iŕenaŕa, odaa Aneotedoŕoji eote me iwoko ijokijo Noé ijaaŕijo loiigiwepodi anijo seete oko. <sup>6</sup> Codaa Aneotedoŕoji iloikatidi niŕijo nigeladimigipitigi nigotadi Sodoma aniaa Gomorra, ane daŕaxa minoa libeyaceŕeco. Odaa Aneotedoŕoji ja yalegi, odaa inoka yeyaŕatice lajimaŕa. Jiŕidaaŕigotediogi Aneotedoŕoji me ikeetediogi inatawece oko anodaaŕigotediogi niŕina eledi oko anowo ane beyagi liciagi niŕijo anowo nigeladimigipitigi niŕidiwa nigotadi, odaa ja nakapetegi. <sup>7</sup> Niŕijo Aneotedoŕoji naŕa yaaŕadi niŕijoa nigotadi, beŕeote Ló me iwoko. Ló ŕoneleegiwa ane iŕenaŕa, pida eliodi magecaŕalo leeŕodi libeyaceŕeco niŕidi noiigi abeyacaŕaŕa anowote. <sup>8</sup> Leeŕodi niŕijo ŕoneleegiwa ane iŕenaŕa idiaa ligeladi miditaŕa niŕidi noiigi, odaa inoatawece nokododi nadi codaa wajipatibece niŕijo oko mowo ane beyagi codaa me lakapetedipi Aneotedoŕoji. Odaa Ló laalegena anele eliodi magecaŕalo. <sup>9</sup> Odaa ŕoniotagodi Aneotedoŕoji yowoŕodi me yatamaŕatee niŕina oko ane iŕenaŕa niŕina ŕodaxakawa micaaniŕigota me domeŕeo me nawikodeeŕa. Codaa ŕoniotagodi Aneotedoŕoji yowoŕodi meote anigotediogi niŕina oko anodakapetege me daŕa iwoko niŕica noko nige limedi me iwi codaa me iloikatidi inatawece niŕina oko ane doŕoyiwagaŕaditeda. <sup>10</sup> Codaa

Aneotedoꝑoji eliodi me iloikatidi niḡina oko aninokowo ane beyagi anepaa yemaa niḡina lolaadi meo, codaa aḡoyiwaḡadi otaaḡidaatece niḡijo anida naḡatetigi Aneotedoꝑoji ane yajigote.

Niḡinoa niḡaxinaganadi awitakaga aḡica anodeemitetibige codaa anaḡaxakenaḡaga. Codaa aḡodoita niḡina me beyagi modotaḡatibige niḡicoa aanjotedi digoida ditibigimedi ane dataletibigiwaji liciagi Aneotedoꝑoji me datale.

<sup>11</sup> Niḡicoa aanjotedi ida nimaweneḡegi caticedi niḡinoa niḡaxinaganadi awitakaga, codaa daḡaxa meletibigiwaji caticedi niḡinoa niḡaxinaganadi awitakaga. Pida niḡicoa aanjotedi baadaḡa beyagi modotaḡatibige niḡinoa niḡaxinaganadi awitakaga oteḡexaḡaga nilaagetedipi lodoe Goniotagodi Aneotedoꝑoji.

<sup>12</sup> Pida niḡinoa niḡaxinaganadi awitakaga onietigi niḡinoa ane diḡicoa moyowoḡodi. Odaa jiḡidaa me liciagi niḡinoa eijedi aninoa me ḡodawikajetedi. Codaa onietiniwace niḡinoa ane doḡoyowoḡoditeda, odaa jiḡidaa Aneotedoꝑoji micota me yaḡadi digo micataḡa me jinigotaḡa niḡinoa eijedi ane ḡodawikajetedi.

<sup>13</sup> Jiḡidaa Aneotedoꝑoji me yajigotediogi niḡica loojedi ane iḡenaga niḡinoa loenataka ane beyagi. Jiḡidiaḡidi niḡica ane daḡaxa macipeḡegipi, codaa mowo niḡina ane napioi idatawece noko. Niḡina me ḡaḡiiwepodi owote niḡinoa ane beyagi, odaa niḡinoa anowote liciagi niḡina liwile niḡina nowoodaḡagi ane yapidi aneo me ḡodiboliḡa.

<sup>14</sup> Oiwita niḡina iwaalepodi, odaa ja lowoogo doḡodaa noomatewadi, codaa idioka limedi mowo ane beyagi. Oninaaletiniwace niḡina



oko ane daḡa datiteteloco eliwaḡatakanegegi, codaa oyowoḡodi modinigaanyetece niḡinoa ane nepilidi eledi oko, leeḡodi agiloḡonadi mowote niḡijoa loenataka ane beyagi. Pida Aneotedoḡoji ja nixootediniwace. <sup>15</sup> Niḡijo noḡoika naigi anewi, odaa jaḡaniatagigipi. Odaa joḡodioteci niḡijo naigi ane deḡele, odaa ja liciagi Balaão, niḡijo lionigi Beor, aneo niḡijo jotigide, leeḡodi daḡaxa me yemaa me dinigaanyetece dinyeelo meo niḡina ane beyagi. <sup>16</sup> Odaa Aneotedoḡoji ja yapeteḡe Balaão leeḡodi libeyaceḡegi. Jowoḡotaḡa naḡana emadica me daḡa dotaḡa. Pida Aneotedoḡoji eote naḡajo Balaão nemadica me dotaḡa micataḡa niḡina oko, odaa jiḡidaagee Aneotedoḡoji me ibake naḡajo emadica me yoxoḡo Balaão me domeḡeo niḡica letoleḡegi.

<sup>17</sup> Niḡinoa niḡaxinaḡanadi awitakaḡa liciagi niḡina ninyoḡodi libegi ane ipe, codaa liciagi niḡinoa loolatedi niwocotaḡa ane nadeegi, pida aḡica ebici niḡina me domaḡa jopoḡatibige ninyoḡodi. Aneotedoḡoji ja iomaḡaditetema niḡica aneyate niḡinoa niḡaxinaḡanadi awitakaḡa niḡica ane daḡaxa me nexocaḡa me iloikatidi nigepaa ganigicatibige. <sup>18</sup> Anaxaxakenaḡaḡa niḡina me notaḡanaḡa, codaa oibake niḡinoa notaḡa yetoledi. Niḡina me notaḡanaḡa, odaa oyalaḡata niḡinoa lidaḡataka ḡodolaadi moninaaletiniwace codaa moyamaḡateeticoace niḡina oko ane gela me domoḡoika niḡina oko anepaa dininaaletibigiwaji leeḡodi niḡina mowo ane beyagi. <sup>19</sup> Niḡidi niḡaxinaḡanadi awitakaḡaḡa moditiogi niḡina

oko moyakadi moika niginoa Aneotedogoji liigenatakanegeco. Pida idiaagidi liotaka nibeyacegeco ane yaaqadi nigina oko, igaataga nibeyacegeco jogodinigaanyetece codaa ja iige lewiga. <sup>20</sup> Nigica nibeyacegegi yaaqadi nigina oko anida aneetege nigina iigo. Pida nigina oko yakadi me iwoko nigina ane beyagi nigina nigoyowoogodi Goniotagodi Jesus Cristo, ane Gonewikatitogodi. Pida nige dibataciogi nigica ane beyagi, odaa nigeyamaqaticoace, odaa nigina oko liciagi ja dagaxa me beyagitibigiwaji caticedi nigijo maleedogoyowoogoditeda Goniotagodi. <sup>21</sup> Nigina oko meyamagaticoace meniwaqatakanaga, domaga dagaxa meletema nigidi oko daaditigica moyowoogodi naigi ane igenaga, odaa agele nigina naga domogoyowoogodi naigi ane igenaga, odaa jegeyamagaticoace odaa agaleegodiotece Aneotedogoji liigenatakanegegi anijo modibatege. <sup>22</sup> Nigina nogodiotaceci lewiga oxiiqodi, odaa oiikee nigida nigegi mewi, nigina moditibece, “Nigina necenigo opitege lokomaga, codaa nigina nigidagiwaga anonilege icotaca me dinapaloagatidi.”

### 3

#### *Lanokegi Goniotagodi*

<sup>1</sup> Yokaagetedipi yemaanigipi, naqajoeledi iwakate notaganagaxi ane jiditibigaqajitiwaji naqajo odoeje iwakate. Odaa naqadi jegeledi iwakate notaganagaxi ane jiditibigaqajitiwaji, jaotibige manalakitibige

codaa me gadaxawanegegitiwaji mowoo nigijoa baanaga jiiḡaxinaganagatece, leeḡodi joḡoleetibigetiwaji mowoo nigica ane iḡenaga. <sup>2</sup> Jemaa manalakitibigetiwaji lotaga nigijo anoyeloḡoditedibece lowooko Aneotedoḡoji nigijo jotigide, nigijo anida aneetetege Aneotedoḡoji. Codaa jemaa manalakitibige liḡenatakanegeco Goniotagodi ane Gonewikatitogodi, nigijoa niḡenatakanegeco anoiḡaxitedaḡadici nigijoa liḡexedi Goniotagodi.

<sup>3</sup> Odoejegi nimesi leeditibige mowooḡotitiwaji nigica anodaagee nigowidijedi nokododi nigina iḡo, odinikeetaḡawa ḡoneleegiwadi anetiḡadamenitiwaji. Niḡinoa liḡaḡataka ḡodolaadi ane beyagi oiḡe lewiḡa niḡidiwa ḡoneleegiwadi. <sup>4</sup> Codaa moditibece, “Jesus Cristo ligegi me dopitedijo digoina iḡo. Pida igoataḡa? Akaa ligegitediogi nigijo ḡodiododipi, pida ja nigo, codaa idioka limedi nigijo anejinaga maleekoka yoeteda Aneotedoḡoji nigina iḡo!” <sup>5</sup> Niḡidiwa ḡoneleegiwadi domoḡoyemaa moyaaḡiditibige nigijo jotigide Aneotedoḡoji mokexaa ligegiteda, oḡaa jiḡidaagee naga iliidaḡadi ditibigimedi codaa me iḡo. Oḡaa Aneotedoḡoji ibake ninyoḡodi meote nigina iḡo. Oḡaa naga iomagadi ninyoḡodi, oḡaa ja dinikee iḡo liwigotinigi ninyoḡodi. <sup>6</sup> Oḡaa niḡidiaaḡidi Aneotedoḡoji ja ibake ninyoḡodi me yaaḡadi ijoatawece anijoa nigijo jotigide naga niḡe abooḡo-ninyoḡodi me yapoḡoditedini inoatawece niḡinoa aninoa digoina iḡo. <sup>7</sup> Pida niḡinoa nokododi Aneotedoḡoji eyoteteteda ditibigimedi codaa me niḡina iḡo. Oḡaa

aagaaga ibake ligegi me doweditedeloco nigepaa nigica noko nige ibake noledi me yaaqaditace inoatawece niginao aninoa. Nigica noko Aneotedofoji iwi anigotediogi, codaa yaaqadi nigina oko ane nakapetegi.

<sup>8</sup> Yokaagetedipi yemaanigipi, jinaga gadaagitiwaji Goniotagodi me idigote onidateci noko me micataga daga onaniteci miili nicaagape, codaa idigote onaniteci miili nicaagape me micataga daga onidateci noko. <sup>9</sup> Goniotagodi adinopagadi meote nigina ane ligegi, codaa alowoocagawa nigina oko anodiletibige daaditigicota nigina ane ligegi. Pida Aneotedofoji dinatitedagawatiwaji, leegodi ayemaa digica ane yaaqadi, pida domaga yemaa minatawece oko dinilaatibigiwaji, oditaga jofojika mowo ane beyagi.

<sup>10</sup> Pida nigica noko anicota menagi liciagi nigina olicegegi me daga inibeonagatege, codidigida nigenotio. Jigidaagee nigica noko Goniotagodi nige iwi anigotediogi codaa me iloikatidi nigina oko. Nigica noko inoatawece digoida ditibigimedi daa. Nigica nige daa oada eliodi nigica layaagegegi. Oada inoatawece anejinataga digoida ditibigimedi yabidi, oada iigo codaa minoatawece ane loenataka nigina oko yabidi. <sup>11</sup> Oada nige nigidaagee Aneotedofoji me yaaqadi inoatawece ane jinataga. Enice, igamodaa leeditibige mejinaga me godewiga? Leeditibige me jikanaga inoatawece ane beyagi, oada ele me joleegatibige me godewigatema iniokiniwateda Aneotedofoji. <sup>12</sup> Codaa leeditibige

me idinenyagatagatege nigica noko, odaa joleegatibige me idinoniciwagataga me jigotaga libakedi Goniotagodi amaleegaga jinagenaga meno nigica noko Goniotagodi. Nigica noko Aneotedogoji yalegi, codaa me yaagadi ditibigimedi, codaa dalole inoatawece niginoa aninoa digoida ditibigimedi. <sup>13</sup> Pida бага inibeonagatege Aneotedogoji ane ligegitedogowa meote. Eote gela ditibigimedi, codaa me gela iigo aneitice nigina oko ane nepilidi Goniotagodi mowo inokina ane igenaga.

<sup>14</sup> Enice, yokaagetedipi yemaanigipi, maleeganibeonitege nigica gela ditibigimedi icaagica gela iigo, adinoniciwagatitiwaji me dagadiaagica gabatiigi, codaa oleetibigetiwaji gadaalegena me yapidi lodoe Aneotedogoji amaleegaga eote gadaalegenali mele. <sup>15</sup> Digowoo Goniotagodi Aneotedogoji eliodi me dinatitediogi nigina oko eotedibige moyakadi modinilaatece libeyacegeco, codaa me iwoko nige limedi Goniotagodi Aneotedogoji me iwi anigotediogi me iloikatidi nigina oko. Odaa jigidaa gonioxa Paulo godemaanigi me didikotibigagajitiwaji. Nigina me didiko, ibake lixakedi Aneotedogoji ane yajigote. <sup>16</sup> Odaa inoatawece niginoa liwakatedi ane iditedi yalagata nigica noko Aneotedogoji, codaa anodaa leeditibige mejinaga me godewiga. Iditedini niginoa notaga ane galaga me jowooogotaga ane diitigi. Odaa nigina oko ane degeliodi eliwagatakanegegi, codaa nigina oko ane doogoyemaa moyowooogodi nigica anewi, odaa nigidi oko aigenaga moyelooogodi lotaga Paulo, odaa idaaogodigotalo moyatemati eletidi

liwailidi Aneotedoḡoji lotaḡanaḡaxi. Odaa jiḡidaa leeḡodi Aneotedoḡoji micota me iloikatidi codaa me yaḡadi niḡidi oko.

<sup>17</sup> Yokaḡetedipi yemaanigipi, akamaḡakaami joḡowoḡotitiwaji micota mina niḡaxinaḡanadi awitakaḡaḡa. Odaa adinoweti me daḡa iwitece liḡaxinaḡaneḡeco niḡinoa ḡoneleegiwadi abeyacaḡaḡa ane doḡoyiwaḡaditeda liḡenatakanegeco Aneotedoḡoji. Nige iwitece niḡinoa liḡaxinaḡaneḡeco niḡinoa ḡoneleegiwadi, odaa jaḡamiḡiticoace naigi anele, codaa ḡatiwaḡatakanegegi aḡalee yoniciwadi. <sup>18</sup> Pida oletibiḡetiwaji ḡatiwaḡatakanegegi midioka limedi me ili leeḡodi daḡaxa meletedoḡodomi Goniotagodi Jesus Cristo ane Gonewikatitogodi. Codaa adinoniciwaḡatitiwaji mepaanaga owoḡoti Goniotagodi. Jemaanaga inatawece oko moiweniḡide Goniotagodi niḡinoa nokododi, nigepaa ganigicatibige. Odaa jiḡidaaḡee. (Amém).

## **Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)**

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

### **Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Kadiwéu

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
7128a549-e957-5460-8c56-0f5281edf264